

永樂大典

八二

228609

成都工學院圖書館

卷〇七五八 倉字等

卷〇七五七 倉字



永樂大典卷之七千五百十七

十八陽

倉

倉官

周禮倉人掌粟入之藏辨九穀之物以得邦用若穀不足則止餘法用有餘則藏之以待凶而頒之凡國之大事共道路之穀

積食飲之具

地官倉人中士四人下士八人府二人史四人胥四人徒

四十人疏曰掌粟入之藏如廩人米粟地之所成故也漢書官公卿表云司

農屬官有太倉令籍田令平淮令者也趙漢廣云廣漢廩掾下士續後

漢書云平淮令一秩六百石也杜預奏事云思惟籍田令本意以籍田千

畝十頃之田計其按行周旋不過數里也又云籍田令凡宗廟菜蔬御用

膳羞及衆群臣之調於是取所戶口足以當一縣之邑所供至重重事貢

臨履也梁冀別傳云孫壽姉妹夫宗所不知書因壽氣力為太倉令三國

典畧張軌為倉曹參軍或有請貸官粟者軌曰以私害公非吾宿志濟人

之難詎得相違乃以所服之衣賣糶粟以賑其乏晉百官表注云太倉令

一人銅印墨綬朝服進賢一渠冠品第七春月廿斛品奉以為上太醫令

同也。隋書食貨志：後周司倉掌辦九穀之物，以量國用。國用足，即蓄其餘。以待凶荒不足，則止餘用。足則以粟貸人，春頒之，秋歛之。隋仁壽二年

九月，置常平官。舊唐書職官志：大原永豐龍門諸倉，每倉監一人。正九品

下丞二人。從八品上錄事一人，典事六人，府二人，史四人。掌固四人。倉監

掌倉窖儲積之事，丞為之貳。凡出納帳錄，歲終上于寺司。唐會要：隋末不

置。武德五年三月二十二日，置四員正觀二十二年十二月九日，大夫李

乾祐奏增兩員，以李文禮、張敦一為之。文明元年，又置殿中裏行，以楊啓

王待微為之。準史部式，以三員為定額。監倉庫本是察院職務，近移入殿

院，第一人監倉，第二人監庫。檢所移日月未設。大和九年六月，御史大夫

李國言奏：監太倉殿中侍御史一人，監左藏庫殿中侍御史一人，臺中舊

例取殿中侍御史從上第一人充監太倉使，第二人充監左藏使，又各領

制獄，伏緣推事皆有程限，監臨遂不專精，往往空行文牒，不到倉庫，動經

累月，莫審盈虛，遂使錢穀之司，役吏得計。至於出令多有隱欺，臣今商量

監倉御史，若當出納之時，所推制獄稍大者，許五日一入倉，如非大獄，許

三日一入倉，如不是出納之時，則許一月兩入倉，檢校其左藏庫公事，尋

常繫聞監庫御史所推制獄大者，亦許五日一入庫，如無大獄，常許一句。

內計會取三日入庫勾當。庶使當司公事稍振綱條。錢穀所由亦知警惧。
勅旨依奏。唐六典太原永豐龍門諸監每倉監一人正七品下。漢書鄭生
云。豫教倉之粟。又長有海陵倉大司農屬官有諸倉監丞。後漢河南府屬
官有樂陽國倉長丞。魏書有紹開倉亦其事也。東晉有東倉石頭倉宋齊
因之。梁司農徒左中右三部倉丞陳氏亦同。後魏臨文北齊司農有梁州
及石濟之次次倉。隋初滑州之粟以實京邑。衛州黎陽倉樂陽洛口倉
各州河陽倉陳州當平倉。量關渭南亦皆有倉以轉運之。各有監官。皇朝
因之。丞二人從八品上。諸倉監各掌其倉窖儲積之事。丞為之二。凡粟出
給者每一屋一窖盡。贖者附計。欠者隨事科徵。非理欠損者坐其所由而
償。陪之凡出納帳歲終上于寺焉。梁開平四年五月勅補開封府及河
南河北倉吏非舊典也。梁元獻公類要齊職儀太倉令周司徒屬官有廩
人倉人則其職也。六典太倉令三人從七品下。石氏皇姓天倉六並在要
處倉穀所藏有三。其天庾積貯粟之所。天田十三。玉卬糧也。史記云。武王
伐殷散鉅橋之粟。周禮有廩人下大夫上士。秦漢大司農屬官有太常令
丞各一人。太常時得于意為之。後漢一人六百石。魏品第六。晉宋齊梁陳
亦然。後魏開文北齊司農。魏太倉令丞。後周有司倉下大夫隋太倉令二

人事文類聚歷代沿革後漢太子少傅屬官有太子倉令一人六百石主倉穀魏晉以下無聞後魏第五品中北齊家令寺領典倉署令丞隋典倉丞二人唐典倉署令一人掌九穀入藏之教及醢醢庶羞品血燈燭之事舉其名數而司出納凡諸園圃樹藝者皆受令焉丞二人判署事大元置太子司倉副司倉掌倉出納及薪炭等事駢羅叢珠總說兩漢有倉曹史主倉庫北齊有倉曹叅軍煬帝改司倉曰書佐開元改為倉曹叅軍古今合璧周禮有倉人庾人北齊司農寺掌倉正統太倉隋司農寺統太倉典廩國朝祥符九年詔京師官年六十已上勿差監在京諸倉時國子博士羅文載年六十五受敕上言求免上曰京倉自受納至給畢殆六七歲若此輩一任則老於掌庾矣因著式焉紹興十一年詔行在三倉以行在省倉上中下界為名監官監行在省倉上中下倉界繫銜泰和定律諸倉使一員掌倉庫高積受納租稅支給俸粟之數副使一員掌副使余副使准此攷典掌收支文曆行著乘積凡歲收一萬石以上設二人以下設一員倉子掌貯貯盤量出納看守巡邏之事與倉官通管少數凡歲收三十萬石以上設二十人二十萬石以上十五人十萬石以上十三人五萬石以上十八人四萬石以上六人三萬石以上四人二萬石以上三人一萬石以

上二人不及一万石一名。中都總倉各十三人。通州四倉共設一百二十人。右中都并外路京府倉設官並依此置。唯通州倉設使副外各增置判官一員。節鎮省副使。元設副使者以萬防刺漕運司六合倉并縣鎮應置倉官者設都監一員。凡設同監處仍舊其有科置使副一員并倉兼草場者並依舊例即中都倉子若所收斛斛數多依上添設。元經世大典官制倉庫官倉氏庫氏之為官其制已久。國家於常調之選轉補之吏歷倉庫一任視其錢穀之多寡地理之遠近為之臧資陞轉之法焉。非徒錄其煩勞抑出納之吝使之知所勸也。若資歷由雜職者止於雜職用焉。至元二十九年五月吏部言選注到倉官三十三員內有告稱不願并不到人數再令吏部選補數足却有品級爭懸人員。今蒙省議在都并通州河西務直沽李二寺等處倉官比之其餘倉庫尤為難重。今擬選注上項倉官於應得資品上例陞一等。如本界任滿收支交割明白別無侵欺短少粘帶過犯給到元脩解由者再陞一等遷叙。先儘到選相應見在人員不敷聽於各衙門有出身一考之上令譯史知印宣使奏差內選用。如有推避之人依條治罪。若選注不當耽誤收支粮解罪及當該銓選官吏送吏部照會仍分揀見注人員通行選注。元貞元年九月吏部言前李二

寺倉監支酌馬世榮倉副張瓊等告任內總收糧一萬一千四百八十石
三斗五升三合五抄八撮即次支交盡絕除依例准除合得破耗外積餘
耗糧一千一百七十八石五斗五升七合二勺七抄一撮本部照得大都
裏外倉官除至元二十九年五月已後除授人員已有陞等定例所據至
元二十四年閏二月初七日已後至元二十九年五月例前在都河西務
通州李二寺直沽等倉官任內所收糧斛多寡不同為此再議各官任內
所收糧斛若有積餘一千石以上者比依倉官李瑞等例再陞一等一千
石之下至五百石之上者任迴減一資歷陞轉省准吏部呈本年五月分
從七以下官員數內倉官趙輝李從慶賈俱等三員擬陞二等歷過倉
官月日後任通理銓注各各稟關省議趙輝等既選充倉官例陞二等所
歷月日不須理算本部參詳今後似此人員擬合一體施行省准二年
六月御史臺呈各處倉官人等有收糧多者四十餘萬少者不滿二萬例
陞二等看詳收糧多者倘因照畧不及失陷短少利害非輕任滿別無侵
欺理宜陞用其餘收糧數少倉官一例陞等中間優苦不倫中書省下吏
部斟酌各倉優劣擬到陞加等第今後倉官有關於選相應職官并諸
衙門有出身令詳史通事知印宣使奏差兩考之上人內選用依驗難易

收糧多寡陞等任迴於應去地方還叙通州河西務李二寺等倉官於應得資品上陞一等任滿交割別無短少減一資通理通州七倉足食

有平及秤富有盈止樂歲廣儲河西務七倉大盈

崇墉永備南永備北克溢廣盈北廣盈南李二寺直沽

在都并城外倉分收糧五萬石之上倉官於應得資品上陞一等任滿交割別無短少依例還叙永平既積廣衍惟億永濟盈衍

豐實順濟既盈萬斯南萬斯北收糧一萬之上倉官止依應得品級除授任滿交割別無短少減一資通理豐閏大積通濟

千斯廣貯相因廣濟大德三年六月吏部言倉官例所設正官例合陞等減資周歲交代緣各官禮任月日不等同立齊戒一例交換所

歷多寡不同若便照依呈准胡伯元一體陞轉中間似為不倫然詳倉官各界得代所收糧斛別無短少應陞等者擬歷過七月以上照依元除陞

轉六月以下擬減一資應減資者六月以上照依元除優減五月以下止理歷過月日省議陞等准所擬減資六月以上照依元除優減五月以下

擬減一十五日大德四年八月上都留守司關上都廣積萬盈永豐三倉損典劉聚等未定出身吏部議上都所設萬盈廣積二倉俱係正六品

永豐倉係正七品。比之大都。平准行用庫品級尤高。又係酷寒之地。今擬各倉攢典轉寺監本把。并萬億庫司吏相應。省唯戶部言上。都東西萬盈廣積二倉。所設倉官二周歲為滿。司倉一周歲為滿。不能齊界。似為未便。吏部議宜依戶部擬司倉與倉官一體二周歲為滿。省准。四年九月戶部言。直沽倉款海糧到來。稍水與都漕運司等處對船交裝。直沽倉止是盡會作數而已。不出月餘。交卸既畢。在倉無糧可守。任滿與通州等倉官人等一體陞轉。似涉太優。移准吏部言。既比各倉所掌優輕難循一體遷用。今後倉官比依通濟等倉例。不須陞等。任滿交割。別無短少粘帶過犯。擬減一資陞轉。外據見設司倉一十名。亦合量減五名。如唯吏部擬相應。省議既本倉別無親臨收支糧斛。存設大使一員。攢典二名。司倉二名。手脚五名。其餘人員並行革去。餘准所擬。五平戶部員外郎趙奉訓言。前往通州李二寺河西務等處體知倉官司倉。並不同時禮任。所收糧斛不下二十餘萬石。見設官三員。先到任者始於前界官處。一一交盤見數。待同界官員立界收支。其同任人員。或三五月。或半年之上。方纔到任。及司倉人等到倉。必須重復交量。不唯交量生受。押且短少糧斛。又都漕運司中。在都省倉。三月一日齊界交割。據本司所管倉庫。如亦三月一日齊界。

實慮倉官短少卒不敷用又兼此時正是河倉價運糧斛輾到舊糧未曾
價動誠恐相妨合依已擬自下年為始六月一日齊界交割其六月一日
河糧已畢上年見在價運赴都新運海糧未到乘此空隙各不相妨公務
兩便部議如准本司所擬自下年為始六月一日齊界交割為宜又議若
擬司倉與倉官俱各齊界除在都司倉六十七名三月一日先行逐旋發
補其河倉總用司倉一百一十一名俱於各路年終得代院務官內勾取
如令隨即起解到都聽候至六月一日關發中間或有病故者或有避懼
在逃者必再催督各人居止去處地理遠近不同倉卒不能齊集其司倉
止是聽受倉官支使分辦之職節續關發收受糧斛事不相妨參詳除倉
官依准戶部所擬六月一日齊界外據司倉依舊逐旋發補交換相應省
准五月省議和林宣慰司所轄倉庫除廣濟庫官別行銓注稱海扎潭也
迭別縣不係常川收糧倉處如和林昔寶赤八剌哈孫孔古烈倉收支糧
斛浩大又係緊急支持去處擬將上項諸倉改立從五品提舉司各設官
三員提舉一員從五品同提舉一員從六品副提舉一員從七品周歲為
滿於列選入內選充應得資品上擬陞二等任迴別無粘帶過犯照休元
除地方選用所歷月日通理任內所收糧斛若有短少依條追陪黜降五

月甘肅行省言。本省極邊重地。供給諸王屯駐大軍。規措糧儲浩大。照得
腹裏行省倉官。受勅牒常調遷轉。唯甘肅倉庫官多任色目之人。不知官
事利害。止是本省差誤。比年以來。錢糧失陷。連綿追理。不能杜絕。今復合
依腹裏倉官例。於常選相應人內銓注省擬甘肅二路每處設官三員。監
支納一員。正六品倉使一員。從六品倉副一員。正七品二周歲為滿。於列
選人內銓注。入倉先陞一等。任滿交割糧斛。別無短少粘帶過犯陞一等。
照依元除地方選用。若有短少依條追陪黜降。六月御史臺言江容楊春
俱歷提控案牘。三十月未應入流。既充倉官。例陞一等。止該正九品級。今
注倉官係八品。窠闕任廵理。從八月日添一資歷陞轉事屬違錯。部議江
容楊春俱係提控案牘一任。依例合於提控案牘籍記既已選充倉官。例
合陞等。比依成梓例任廵理。義正九月日如准所擬任廵改正。今後似此
人員。依上例銓注。省准。大德七年十月。吏部呈擬注到大同倉官忙兀
魯不花等。十四員。都省議倉官依准部擬二周歲交代。除納蘭不剌永
盈倉係逃北酷寒地面。例陞一等。其餘六倉。雜中賣之糧。隨時出納。難議
一體定奪。若任廵別無短少粘帶。擬減一資陞轉。八年七月。湖廣省咨
漢陽府言。每歲出納錢糧浩大。所設倉庫官止於各路司吏內選用。本府

雖為散府錄直隸行省若於本府請俸司吏內選充滿日依例求叙本省議散府司吏請俸六十月之上選充本府倉庫官一界滿日年四十五以上與吏目未及者務使七十月之上至九十月選充一界者年四十五之上與都目未及者院務提領內任用吏部議湖廣行省所轄散府司吏充令官合依河南行省散府司吏充倉官此總管府司吏取充者降等定奪省准大德十年四月吏部言伏見京畿并都漕運司所轄倉分見設司倉人等作弊不便蓋百司得人則治非人則廢况倉官之職所任繁重難取其人多於有過人內選取殆非長法如歷錢穀人員所犯欺詐情罪若復置之此地適足以長奸滋惡為弊尤深牧民之聞犯贓亦可以迴避此職今後須以無過之人遷充使其人各知錢穀為國之重亦足以有所懲勸且每歲銓注倉官願入狀者不能盡用今歲倉官自願十無一二俱於列選人員內提注足見各倉事體雖以用人為本然法弊則不能不變事關錢穀宜從戶部照勘議擬省准六月河南省咨所轄去處除汴梁歸德等願裏六路倉官庫子損典照依大德四年咨准定例差設外據淮東淮西荊湖兩道宣慰司所轄路分并蘄黃二路擬合一體已經劄付各於大德十年正月為始於州司吏內勾補周歲滿日別無粘帶過犯於路府司

吏內委用庫子攢典於縣司吏內勾補周歲滿日別無粘帶過犯轉補州吏無州路分所管縣分上名司吏內選差依上轉補違例委用者雖有役過月日並不准差除已割付淮東淮西荆湖兩道宣慰司并蘄黃二路依上行之省唯倉庫官陞轉例至大三年三月尚書省判吏部照先奉中書省割付通州河西務等倉六月一日齊界交代在都倉官三月一日齊界交代又元貞二年六月奉省割通州河西務等倉每歲所收糧斛不下二十餘萬擬陞一等任起交割別無短少減一資歷陞轉在都京倉每歲所收糧斛五萬石之上擬陞一等大德三年六月中書省割省倉所設正官例合陞等減資周歲交代緣各倉官禮任月日不等同例齊界一例交換所歷多寡不同倉官齊界得代所收糧斛別無短少應陞等者七月以上照依元除陞轉六月以下擬減一資近於至大二年九月內省議通州河西務在都京倉官從新銓注已於是年十月初二日禮任將見任者俱各截資部議除在京倉官已歷七月之上照依舊例陞轉其通州河西務倉官俱係陞等減資人員自至大二年六月之任至十一月一例齊界截替上曆五月若此例不陞却緣各官即非病故終是截替又兼已經陞等難議回降若交割別無短少照依已除陞轉擬不減資似為便益省准

四年九月戶部言擬萬盈廣積兩倉申伏念國朝治民之本禮樂為先富實之源錢糧為重竊見本倉官員俱係常選所發自至大二年十月蒙尚書省遷充前職至大三子正月齊界之任經今半年之久所收糧斛倉廩盈滿竊恐經年燒折發變倘有失陷厯勤退陪輕則斷罪重則破家由此論之不為不重又緣出身通例擬二周歲為滿交代別無短少止陞一等不理月日未林倉官二年為滿例陞二等所歷月日又同初任通理大都京倉官員自三月一日齊界禮任通州河西務倉六月一日齊界之任俱於七品以下流官并各衙門兩考令譯史宣使人員許願入狀然後銓注周歲為滿入倉陞一等任廼又減一資通理月日及豐實倉每歲收支糧斛不滿三萬依前陞轉減資竊緣上都萬盈廣積兩倉北連沙漠地接木林迺邊遠酷寒之地周歲出納少者不下三四十萬餘石比之大都倉分所收糧斛爭懸數倍實是優劣不同如蒙照依未林倉例陞二等唯復比依大都京河二倉一體陞等減資不為偏負本部照擬大都京倉各收糧斛數少周歲為滿例陞一等惟上都迺酷寒之地廣積萬盈兩倉每歲出納糧斛三四十萬石不為不重惟見任倉官又皆流官常選即非留守司保用人員及以二年為滿止陞一等不惟優劣不同又使廉慎無以激勸

上都兩倉合依大都京倉之例周年為滿。別無粘帶短少。陞等減資。似不偏員中書省下吏部議。各處倉官陞轉通例行之已久。今上都兩倉雖與所指倉分各掌事體不同。緣係酷寒之地。量擬照依舊例二周歲為滿。交割無虧。更無過犯。於應得資品上陞一等。歷過月日。今後比例通理省准。

皇慶二年正月。河東山西道宣慰司言。近為屯儲府所轄通濟等四倉急闕。收受子粒倉官。本府所轄迤北淨水等三倉。俱係上司遷到常調派官。今據南屯四倉。照例迤北三倉例銓注常調人員。唯復於本道解由到司錢穀官內就選。依例通理月日。或候秋成於大同等處屯儲軍民總管萬戶府見役屯官屯長內不妨本役輪番差撥收受。周歲交替官民長便。本部照議。南屯倉官若於長選人內選差。南陽洪澤等處屯別不曾別設倉官。又淨水等三倉所受糧斛俱係有司奉賤和糴。亦與上項倉分不同。如准本道宣慰司所擬每歲秋成。從本司於大同屯儲軍民總管府見役屯官屯長內摘撥收受。下年相沿交代。庶革擾民之弊。省准。

延祐四年四月。江浙行省咨各路司吏。歷俸已及兩考。在後選充五万石之上倉官。一界如無侵欺粘帶。合無將歷過倉官月日。比路史一倍折算。歷五万石之下倉官月日以二折三考。元設路吏俸月。通理九十月。照依見俸過

降通例。歷典史一考陞轉。惟復五萬石之上者。比同考滿路吏出身充典史。一考陞吏目。五萬石之下者。於典史內添一考。依例遷叙。庶幾勞逸均平。人不避難。部議今依江浙行省所言。各路見役司吏已及兩考。選充倉官。五萬石之上。如無侵欺粘帶。比同考滿出身。充典史。一考陞吏目。五萬石之下者。於典史添一考。依例遷叙。為宜。省准。八月十四日。湖廣省言。常德路易鼎先。充潭州路司吏。五十一月。大德九年。補倉官一界。遷充常德路司吏。通理九十月。今次奉到吏道出身新例。不見所歷倉官可否准理。又興國路申路府倉庫官。俱於本衙門見役司吏內取用。掌管出納錢穀。責任至重。無可養廉。出納之際。稍若取要。事發依例斷罪。今止理實歷月日。已是偏負。部議湖廣行省倉官。既於見役請俸。路吏內選充。宜從江浙行省元擬。如係路吏歷俸已及兩考。選充倉官一界。別無侵欺粘帶。准同考滿出身。充典史。一考陞吏目。遷叙庫官。周歲。如無粘帶。准理本等月日。考滿。依例陞轉相應。省准。元無章雜職。依前改第品級。遷升例。源官內選用者。任廵理。派官月日。元擬雜職人員。任廵雜職。遷升。平准行用庫官。任廵職一資歷。塩場司今丞。管勾任廵職一資。通州等倉官。并一等減一資。通州七倉。李二寺直沽二倉。河西務七倉。京畿等十五

倉升一等。豐潤等三倉減一資。各衙門選用人員任迴本衙門所轄叙用。匠官院長至從五品止於匠官遷升。管辦錢穀官諸雜職人員例。至元二十一年九月定。一辦課分爲三等。上等充提領。中等充務使。下等充都監。一辦課官升轉一周歲爲滿。都監三界升務使。務使三界升。提領三界升受省扎錢穀官。又歷三界於從九錢穀官內任用。諸雜職人員比附院務官一體升遷。塩鐵副管勾。相副裝查批引等官。諸衙門倉庫塩教等監支納大使。資品錢穀人員例。五千定之上提領正七。大使正八。副使正九。二千定之上提領從七。大使從八。副使從九。一千定之上提領正八。大使正九。省扎副使。五百定之上提領從八。大使從九。都剌副使。一百定之上像中等錢穀官。設提領大使副使。五十定之上設大使副使。五十定之下設都監。倉官。稟聞。監納正七。大使從七。副使正八。京倉一十七處。千斯相因。豐潤。通濟。廣新。永平。永濟。惟憶。盈衍。豐實。太積。廣衍。既盈。既積。順濟。萬斯南。萬斯北。都倉一十七處。有平。樂歲。富有。廣儲。足食。太盈。盈止。及稱。充溢。崇墉。迺積。永備南。永備北。廣盈南。廣盈北。李二寺。直沽。
